



Broj: 10/E-11-11275/23  
Sarajevo, ~~26-01-2024~~ godine

Na osnovu člana 69. stav (2), tačka d), člana 70. stav (4) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova II imenovana rješenjem broj: 10-45-1695/23 od 23.02.2023.godine, u daljem tekstu: Komisija II, u postupku javne nabavke za izvođenje radova adaptacije vrtića na Šipu u saradnji sa JU „Djeca Sarajeva“, (Zapisnik o pregledu i ocjeni ponuda broj: 10/E-11-11275/23 od 25.01.2024.godine), Opštinski načelnik d o n o s i:

## **ODLUKU O PONIŠTENJU POSTUPKA**

**I** Poništava se postupak javne nabavke za izvođenje radova adaptacije vrtića na Šipu u saradnji sa JU „Djeca Sarajeva“, putem otvorenog postupka, iz razloga što nije dostavljena nijedna prihvatljiva ponuda, u skladu sa članom 69. stav (2) tačka d) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22).

**II** Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona i ista će biti objavljena na Internet stranici Općine Centar Sarajevo.

### **O b r a z l o ž e n j e**

Postupak javne nabavke za izvođenje radova adaptacije vrtića na Šipu u saradnji sa JU „Djeca Sarajeva“, pokrenut je Odlukom Općinskog načelnika broj: 10/E-11-11275/23 od 01.12.2023. godine.

Javna nabavka je provedena putem otvorenog postupka, a procijenjena vrijednost javne nabavke je 102.564,00 KM bez PDV-a.

Obavještenje o nabavci broj: 848-1-3-207-3-240/23 objavljeno je na Portalu javnih nabavki dana 27.12.2023.godine.

Komisija II je dostavila Zapisnik o pregledu i ocjeni ponuda od 25.01.2024.godine, uz preporuku za poništenje postupka javne nabavke br.: 10/E-11-11275/23 za izvođenje radova adaptacije vrtića na Šipu u saradnji sa JU „Djeca Sarajeva“.

U određenom roku za predaju ponuda, 24.01.2024. godine do 12,00 sati, dostavljena je 1 (jedna) ponuda, i to od ponuđača: ZZ „GROS-COMP“ Hadžići.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristigle ponude i nakon što je utvrđena urednost dostave, pročitana je cijena ponude, kao kriteriji „najniža cijena“, kako slijedi:

r/b	Ponuđač	Ukupno bez PDV-a	Popust	Sveukupno sa popustom i PDV-om
1.	ZZ „GROS-COMP“ Hadžići	101.800,05	-	119.106,06

Nakon izvršenog otvaranja ponuda Komisija II je pristupila detaljnoj analizi dokumentacije priložene uz ponudu u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija II je uvidom utvrdila da dostavljena ponuda ne ispunjavaj formalno pravne uslove, odnosno zahtjeve Ugovornog organa, ista nije prihvatljiva, te se isključuje iz daljeg postupka evaluacije.

Naime, ponuda ponuđača ZZ „GROS-COMP“ Hadžići nije dostavljena u skladu sa uslovom tenderske dokumentacije, odnosno nije ispunjen uslov iz tačke 8.3.1.:

### 8.3. NAČIN DOSTAVLJANJA PONUDE

8.3.1. Ponuda se dostavlja u originalu i jednoj kopiji, na kojima će čitko pisati „ORIGINAL PONUDE“ i „KOPIJA PONUDE“. Kopija ponude sadrži sva dokumenta koja sadrži i original. U slučaju razlike između originala i kopije ponude, vjerodostojan je original ponude. Kopija ponude se dostavlja zajedno sa originalom u jednoj kovrti ili u dvije odvojene kovrte koje su opet upakovane u jednu zajedničku kovrtu ili paket.

Obzirom da u ponudi ponuđača ZZ „GROS-COMP“ Hadžići nije dostavljena kopija ponude, ista se isključuje u skladu sa odredbom člana 68. stav (4) tačka i) Zakona o javnim nabavkama.

Također u ponudi ponuđač nije propisno dostavio garanciju za ozbiljnost ponude, odnosno nije ispunio uslov tenderske dokumentacije definisane tačkom 9.8. GARANCIJA ZA OZBILJNOST PONUDE, odnosno:

9.8.4. Garancija za ozbiljnost ponude se ne smije bušiti radi ulaganja u ponudu već treba biti dostavljena na sljedeći način: dostavlja se u originalu, u zatvorenoj plastičnoj foliji koja se na vrhu zatvori naljepnicom na kojoj je stavljen pečat ponuđača ili se otvor na foliji zatvori jemstvenikom, a na mjesto vezivanja zalijepi naljepnica i otisne pečat ponuđača i uvezana u cjelinu čini sastavni dio ponude.

9.8.5. Ukoliko garancija za ozbiljnost ponude nije dostavljena na način propisan u prethodnoj tački, ponuda će biti odbačena.

Ponuđač ZZ „GROS-COMP“ Hadžići je u ponudi dostavio garanciju za ozbiljnost ponude u plastičnoj foliji koja je na vrhu otvorena i ista se jednostavno može izvući iz ponude i oštetiti, odnosno ista nije dostavljena u skladu sa propisom iz tačke 9.8., podtačke 9.8.4. tenderske dokumentacije.

Komisija II je u daljem radu donijela jednoglasnu odluku da se Opštinskom načelniku dostavi

### PREPORUKA O PONIŠTENJU POSTUPKA

U skladu sa Zapisnikom o pregledu i ocjeni ponuda od 25.01.2024.godine utvrđeno je da nije dostavljena nijedna prihvatljiva ponuda, u skladu sa članom 69. stav (2) tačka d), čime su se stekli zakonski uslovi za poništenje postupka nabavke za izvođenje radova adaptacije vrtića na Šipu u saradnji sa JU „Djeca Sarajeva“.

Iz navedenog razloga, primjenom člana 69. stav (2) tačka d) Zakona o javnim nabavkama BiH ("Službeni glasnik BiH", br. 39/14 i 59/22), te da Opštinski načelnik u postupku navedene nabavke nije našao razloge, niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

**Pouka o pravnom lijeku:** Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



Prilog: Zapisnik o pregledu i ocjeni ponuda  
broj: 10/E-11-11275/23 od 25.01.2024.godine

**DOSTAVITI:**

1. Ponuđačima:

- ZZ „GROS-COMP“ Hadžići, ulica Hadžela broj 8, 71240 Hadžići

2. Službi za obrazovanje, društvene djelatnosti, kulturu i sport

3. Službi za finansije

4. Kabinetu općinskog načelnika – Odsjek za javne nabavke

5. Arhiva